



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Croesvs Et Codrvs. hoc est, Copiæ Et Inopiæ Damna vel
Lvcra, à bono iustoq[ue] Mundi Governatore Deo
Distribvta**

Stengel, Georg

Ingolstadij, 1648

§. 4. Christi Domini ac Seruatoris paupertas.

[urn:nbn:de:hbz:466:1-52359](https://nbn-resolving.org/urn:nbn:de:hbz:466:1-52359)

Jerem. 4. 8. & 6. 26. & 48. 37. & 43. 3. mirabiles sunt coci, qui ex oculis cancos faciunt. Neque enim *axipides* cancos, sed locustas significant, humile insectorum genus, quod saltando volitat, & volitando sal-

Plin. l. 11. cap. 29. Plutarch. in symp. sitatus, ut ab eo Orientales abstinerint, quamvis vilissimus esset, ut sunt & limaces apud nos, & formicæ apud Indos. Ac sane si locustæ in cibo non fuissent, non eas

Niceph. lib. 1. c. 14. Moyses inter munda animalia, quibus vescebat, numeravisset, Et quamquam Nicephorus putarit, arborum frondiumque

Elia. lib. 13. variar. c. 26. summas partes (quod extremæ sint *axipides*) esse putarit: tamen vel etiam hinc paupertas Ioannis eluceret. Talibus enim etiam Philosophum Diogenem, ob inopiam, epulatum esse legimus. Nec paupertati obnunciat *mel silvestre*, quo itidem vescebatur, utique in calida & fertili regione, & in terra Palæstinæ lacte & melle manante, passim obvio.

§. IV.

Christi Domini ac Servatoris paupertas.

Qualis prodromus, talis & Christus. Hinc

D. Augustinus titulum Psalmi 101. qui est:

2. Cor. 8. Oratio pauperis, de Christo interpretatur. Et

9. recte. Scitis enim gratiam Domini nostri IESU

Christi

Christi, quoniam propter vos egenus factus est, cum esset diues, ut illius inopia vos diuites essetis, tunc scilicet, cum in forma, seu natura, Dei esset, & non rapinam arbitratus est, esse se equalem DEO, sed reuera in gloria erat aequalis Deo, adeoq; Deus, diues in omnes, semetipsum exinanivit, formam serui accipiens. Pauper factus est Christus, inquit D. Gregorius Nazianzenus, ut nos illius paupertate ditescamus: serui formam accepit, ut nos libertatem recipiamus: descendit, ut euehamur: tentatus est, ut vincamus: contentus est, ut nos gloria afficiat: mortuus est, ut seruet: ascendit, ut ad seipsum trahat humi prouolutos in peccati lapsu. Diuitias illius enutmerate nemo potest. Est enim Deus, cuius sunt omnia. Paupertatem refero, quae in utero Matris coepit, nam corpus animatum habuit omnium minimū, sed postea in nato magis apparuit: nam eam à domo, à diuersorio, à lecto, à cibo, à potu, à veste possumus demonstrare. Siquidē Christus rex regum in stabulo natus est, quia non erat ei locus in diuersorio. Pro purpura pannis inuolutus, ijsq; vilibus, pro regali throno habuit praesepium, pro culcitrīs stramē, pro plumis foenum: pro foco, bouis & asini halitum: pro peristromatis, telas

Philip. 2.
6.

S. Greg.
Nazian.
orat. 1. in
Pascha.

Luc. 2.

Z

aranea

Matth. 8.
20.

Matth. 8.
24.

Luc. 8. 2.

aranearum; pro odoramentis excrementis bestiarum, pro equitatu duo iumenta; pro procerum turba, Ioseph & Mariam. Ne ditior factus est, cum adoleuit. Vnde ipse ait: *Vulpes foueas habent, & volucres calidinos; filius autem hominis non habet, ubi caput suum reclinet.* Nullus ei lectus, nulla domus erat. Quare & super affere, in nauis dormiuit. Sape etiam non habuisset, quod comederet, nisi supra dictæ piæ mulieres eum secutæ, de facultatibus suis ei ministrauissent. Sic tota deinceps vita pauper fuit, & vltimus Græcus textus, habet *ἐπιτόχειος, mendicanti.* Quin & moriturus bis veste sua, quam habuit vnicam, exutus, atque altera vice etiam spoliatus fuit. Vtque fas est credere, sine pileo, sine calceis passim incessit, Crucem passuro nemo poliuuit. Clamanti inter maximos cruciatus, nemo aquam, sed acetum, amaram utique potionem porrexit. Sepeliendo lintea aliunde fuerunt suppeditata. Quin & ipsum denique sepulchrum fuit alienum, vt neque viuus haberet, ubi caput reclinaret; neque mortuus, ubi corpus eius tumularetur. Vsq̄ adeò non in laboribus tantum sed etiam in paupertate fuit, à iuuentute sua, ad extremum spiritus.

